

MËSIMI 50

1. Pse e tundoi Satani Jezusin?

-Sepse Satani donte që Jezusi të mëkatonte.

2. Pse donte Satani që Jezusi të mëkatonte?

-Sepse Satani nuk donte që Jezusi t'i shpëtonte njerëzit.

3. A ishte në gjendje Jezusi për t'i kthyer gurët në bukë?

-Po.

-Jezusi ishte Perëndi.

-Jezusi ishte në gjendje për të bërë gjithçka.

4. Çfarë i tha Jezusi Satanit që është më e rëndësishme sesa ushqimi?

-Jezusi i tha Satanit që të besosh në Fjalën e Perëndisë është më e rëndësishme sesa ushqimi.

5. Megjithëse Jezusi ishte i uritur, pse nuk i ktheu Ai gurët në bukë?

-Sepse Perëndia At nuk i kishte thënë Atij ta bënte këtë gjë.

-Jezusi nuk do t'i bindej Satanit.

-Jezusi do t'i bindej vetëm Perëndisë At.

6. A e di Satani se çfarë është shkruar në Librin e Perëndisë, Bibël?

-Po.

7. Por çfarë bën Satani me Fjalën e Perëndisë?

-Satani e shtrembëron Fjalën e Perëndisë në mënyrë që t'i zërë njerëzit në kurth.

8. Pse kishte mundësi Satani që t'ia jepte Jezusit kontrollin e të gjithë tokës?

-Sepse kur Adami iu bind Satanit, Satani u bë pronari i Adamit, i të gjithë njerëzve dhe i të gjithë botës.

9. Si e mundi Jezusi Satanin?

-Me Fjalën e Perëndisë.

10. A e shtrembëroi Jezusi Fjalën e Perëndisë?

-Jo.

-Jezusi e foli Fjalën e Perëndisë ashtu siç ishte e shkruar në Librin e Perëndisë, Bibël.

11. Kush është më i madh, Jezusi apo Satani?

-Jezusi.

12. Pse është Jezusi më i madh se Satani?

-Sepse Jezusi është Perëndi.

-Në fillim, ishte Jezusi Ai që e krijoi Lusiferin si një engjëll të përsosur.

13. Në të ardhmen çfarë do t'u bëjë Jezusi Satanit dhe demonëve të tij?

-Jezusi do t'i hedhë Satanin dhe të gjithë demonët e tij në Liqenin e Zjarrit të Përjetshëm.

-Gjon Pagëzori vazhdoi t'u thoshte judejve që të pendoheshin.

-Një ditë, mbreti i keq Herod e futi Gjon Pagëzorin në burg.

-Pasi Gjon Pagëzori u fut në burg, Jezusi filloi t'i mësonte judejtë.

Le të lexojmë Marku 1:14

14-Dhe mbasi e burgosën Gjonin, Jezusi erdhi në Galile duke predikuar ungjillin e mbretërisë së Perëndisë,

-Kur Jezusi filloi të mësonte judejtë, Ai ishte 30 vjeç.

-Jezusi u mësoi judejve Lajmin e Mirë të Perëndisë.

-Cili ishte Lajmi i Mirë i Perëndisë?

- Lajmi i Mirë i Perëndisë ishte që megjithëse mëkati i të gjithë njerëzve duhej dënuar me vdekjen e përjetshme, Perëndia kishte dërguar Shpëtimtarin për t'i shpëtuar njerëzit.

-Kush ishte Shpëtimtari që Perëndia kishte dërguar për t'i shpëtuar njerëzit?

-Jezusi.

-Çfarë gjëje tjetër mësoi Jezusi?

Le të lexojmë Marku 1:15

15-Dhe duke thënë: ``U mbush koha dhe mbretëria e Perëndisë është afër. Pendohuni dhe besoni ungjillin".

-Çfarë donte të thoshte Jezusi kur tha, "U mbush koha dhe mbretëria e Perëndisë është afër"?

-Jezusi po thoshte që kishte ardhur koha për Shpëtimtarin dhe që mbretëria e Perëndisë shpejt do ta mundë mbretërinë e Satanit.

-Jezusi gjithashtu u mësoi njerëzve që duhej të besonin në Fjalën e Perëndisë.

-Cili është rruga e vetme që një person mund ta kënaqë Perëndinë?

-Duke besuar në Fjalën e Perëndisë.

-Kur Jezusi filloi të mësonte judejtë, Ai thirri disa burra që rrinin me Të.

Le të lexojmë Marku 1:16-20

16-Ndërsa po kalonte gjatë bregut të detit të Galileësë, ai pa Simonin dhe Andrean, vëllanë e tij, të cilët po hidhnin rrjetën në det sepse ishin peshkatarë.

17-Dhe Jezusi u tha atyre: "Ndiqmëni dhe unë do t'ju bëj peshkatarë njerëzish".

18-Dhe ata i lanë menjëherë rrjetat dhe e ndoqën.

19-Mbasi eci edhe pak, pa Jakobin, birin e Zebedeut dhe Gjonin, vëllanë e tij, të cilët ndreqnin rrjetat e tyre në barkë.

20-Dhe i thirri menjëherë; dhe ata e lanë atin e tyre Zebedeun në barkë me mëditësit dhe e ndoqën.

-Pse thirri Jezusi disa burra që të rrinin me Të?

-Sepse Jezusi donte t'i mësonte ata në mënyrë që ata të ishin në gjendje të mësonin njerëzit e tjerë për Perëndinë.

-Cila ishte puna e disa prej burrave që thirri Jezusi të rrinin me Të?

-Disa nga ata ishin peshkatarë.

-Një ditë, Jezusi shkoi në një qytet të quajtur Kapernaum për të mësuar judejtë.

Le të lexojmë Marku 1:21

21-Pastaj hynë në Kapernaum dhe menjëherë, ditën e shtunë, ai hyri në sinagogë dhe i mësonte njerëzit.

-Kur Jezusi arriti në qytetin e Kapernaumit, Ai shkoi në sinagogë për të dhënë mësim.

-Çfarë ishte Sinagoga?

-Sinagoga ishte shtëpia ku judejtë mblidheshin për të lexuar Librin e Perëndisë, Biblën.

-Çfarë mendonin shumica e judejve për mësimin e Jezusit?

Le të lexojmë Marku 1:22

22-Dhe njerëzit habiteshin nga doktrina e tij, sepse ai i

mësonte si një që ka pushtet dhe jo si skribët.

-Shumica e judejve habiteshin nga mësimi i Jezusit.

-Pse habiteshin shumica e judejve nga mësimi i Jezusit?

-Sepse Jezusi i mësonte ata me shumë forcë dhe urtësi.

-Kush ishin mësuesit e ligjit?

-Ata ishin farisenjtë.

-Pse ishte ndryshe mësimi i Jezusit nga mësimi i farisenjve?

-Sepse Jezusi ishte Perëndia, Ai e njohte Perëndinë At.

-Farisenjtë nuk e njohnin Perëndinë At.

-Për shkak se Jezusi ishte Perëndia, Ai e njohte Fjalën e Perëndisë shumë mirë.

-Farisenjtë nuk e njohnin Fjalën e Perëndisë.

-Për shkak se Jezusi ishte Perëndia, Ai besonte çdo fjalë nga Fjala e Perëndisë.

-Farisenjtë nuk e besonin Fjalën e Perëndisë.

-Ndërsa Jezusi po jepte mësim, një burrë që ishte i pushtuar nga një demon thirri.

Le të lexojmë Marku 1:23-24

23-Atëherë në sinagogën e tyre ishte një njeri i pushtuar nga një frymë e ndyrë, i cili filloi të bërtasë,

24-duke thënë: ``Ç'ka midis nesh dhe teje, o Jezus Nazareas? A erdhe të na shkatërrosh? Unë e di kush je: I Shenjti i Perëndisë".

-Në fillim, si kishin qenë demonët përpara se ata të bëheshin demonë?

-Në fillim, demonët qenë engjëj të mirë të cilët i kishte krijuar Perëndia por kur ata ndoqën Satanin ata u bënë të këqij.

-Demonët kanë dëshirë të jetojnë tek njerëzit që nuk besojnë te Perëndia.

-Një demon po jetonte brenda këtij burri i cili thirri.

-A e njihte demoni që ai i cili po jepte mësim ishte Jezusi?

-Po.

-A e dinte demoni që Jezusi ishte Perëndia?

-Po.

-A e dinte demoni që Jezusi është i përsosur, i shenjtë dhe që urren çdo mëkat?

-Po.

-A e dinte demoni që Jezusi ishte më i fuqishëm se ai?

-Po.

-Pse kishte frikë demoni nga Jezusi?

-Sepse demoni e dinte që Jezusi ishte në gjendje ta hidhte atë në Liqenin e Zjarrit të Përjetshëm në çdo moment.

-Demoni e dinte që Jezusi kishte fuqinë ta hidhte atë në Liqenin e Zjarrit të Përjetshëm në atë moment.

-Si iu përgjigj Jezusi demonit?

Le të lexojmë Marku 1:25-26

25-Por Jezusi e qortoi duke thënë: ``Hesht dhe dil prej tij!''.

26-Dhe fryma e ndyrë, mbasi e sfiliti, dhe duke lëshuar një britmë të madhe doli prej tij.

-Jezusi e urdhëroi demonin të heshte dhe të dilte nga ai njeri.

-A iu bind demoni Jezusit?

-Po.

-Pse iu bind demoni Jezusit?

-Sepse Jezusi është Perëndi.

-Sepse Jezusi është më i fuqishëm sesa demonët.

-Çfarë menduan njerëzit kur e panë Jezusin duke shpëtuar këtë njeri nga demoni?

Le të lexojmë Marku 1:27-28

27-Dhe të gjithë u mahnitën aq shumë sa pyesnin njeri tjetrin duke thënë: ``Vallë ç'është kjo? Cfarë doktrinë e re qënka kjo? Ky i urdhëroka me autoritet edhe frymërat e ndyra, dhe ata i binden".

28-Dhe fama e tij u përhap menjëherë në mbarë krahinën përreth Galilesë.

-Njerëzit u mahnitën që Jezusi e shpëtoi këtë njeri nga demoni.

-Njerëzit u mahnitën që demoni iu bind Jezusit.

-Më vonë atë mbrëmje, çfarë ndodhi?

Le të lexojmë Marku 1:32-34

32-Në mbrëmje, pas perëndimit të diellit, i pranë të gjithë të sëmurit dhe të idemonizuarit.

33-Dhe gjithë qyteti ishte mbledhur përpara derës.

34-Ai shëroi shumë, që lëngonin nga sëmundje të ndryshme, dhe dëboi shumë demonë; dhe nuk i lejoi demonët të flasin, sepse ata e njihnin.

-Atë mbrëmje, njerëzit sollën tek Jezusi të gjithë të sëmurët dhe të pushtuarit nga demonët dhe Jezusi i shëroi të gjithë.

-Kjo ndodhi sepse Jezusi është Perëndi.

-Kjo ndodhi sepse Jezusi mund të bëjë çdo gjë.

-Pse i shëroi Jezusi të gjithë njerëzit e sëmurë?

-Sepse Jezusi i donte ata.

-Sepse Jezusi ishte i trishtuar për faktin që ata ishin të sëmurë.

-Në fillim kur Jezusi e krijoi botën, nuk kishte asnjë sëmundje.

-Por Adami dhe Eva mëkatuan kundër Perëndisë dhe mëkati i tyre solli sëmundje tek të gjithë njerëzit.

-Jezusi donte të shëronte sëmundjet që mëkati kishte sjellë në botë.

-Pse i shëroi Jezusi të gjithë njerëzit të cilët ishin të pushtuar nga demonët?

-Sepse Jezusi i donte ata.

-Sepse Jezusin e trishtonte fakti që demonët i kishin bërë njerëzit skllëvër të tyre.

-Në fillim, njerëzit ishin fëmijë të Perëndisë.

-Por kur Adami dhe Eva mëkatuan ndaj Perëndisë të gjithë njerëzit u bënë skllëvër të Satanit dhe demonëve të tij.

-Jezusi donte t'i çlironte njerëzit nga skllavëria e Satanit dhe e demonëve të tij.

-Një ditë një njeri lebroz erdhi për të takuar Jezusin.

Le të lexojmë Marku 1:40

40-Dhe erdhi tek ai një lebroz i cili, duke iu lutur, ra në gjunj dhe i tha: ``Po të duash, ti mund të më pastrosh".

-A e di ti se çfarë është lebra?

-Lebra është një sëmundje shumë e keqe që të kalb mishin.

-Në kohën e Jezusit, nuk kishte mjekim për lebrën.

-Nëse ti do të kishe lebër, nuk do të kishte mjekim për ty.

-Nëse ti do të kishe lebër, nuk do të kishte ndihmë për ty.

-A ishte në gjendje ky njeri për të shëruar veten nga lebra?

-Jo.

-Nuk kishte mjekim për të.

-A ishte në gjendje ndonjë njeri tjetër ta shëronte atë nga lebra?

-Jo

-Nuk kishte mjekim për të.

-A ishte në gjendje doktori për ta shëruar atë nga lebra?

-Jo.

-Nuk kishte mjekim për të.

-Pse erdhi ky njeri tek Jezusi?

-Sepse ai e dinte që vetëm Jezusi ishte në gjendje ta shëronte atë.

-A e shëroi Jezusi atë njeri?

Le të lexojmë Marku 1:41-42

41-Dhe Jezusi, duke e mëshiruar, shtriu dorën, e preku dhe i tha: ``Po, e dua, qofsh pastruar!''.

42-Dhe, posa tha këto, menjëherë lebra e la dhe u shërua.

-Jezusi e preku këtë njeri dhe i tha, "Qofsh shëruar" dhe njeriu u shërua.

-Vetëm Jezusi që është Perëndi ishte në gjendje ta shëronte këtë njeri.

-Lebra është si mëkati.

-Ashtu si ai njeri nuk ishte në gjendje që ta shëronte veten nga lebra, kështu edhe të gjithë njerëzit nuk janë në gjendje ta shërojnë veten nga mëkati.

-Ashtu siç nuk kishte njeri tjetër që ta shëronte njeriun nga lebra, kështu nuk ka njeri që është në gjendje që të na shërojë ne nga mëkati.

-Ashtu si vetëm Jezusi ishte në gjendje për ta shëruar atë njeri nga lebra, kështu vetëm Jezusi është në gjendje për të na shëruar ne nga mëkati.

-Jezusi erdhi në botë për të na shëruar ne nga mëkati.

-Jezusi erdhi në botë për të na shëruar ne nga vdekja.

-Jezusi erdhi në botë për të na shëruar ne nga Satani.

-Asnjë njeri tjetër nuk mund të na shërojë ne; vetëm Jezusi mund të na shërojë.